



Broj: 04-40-1-204/23
Sarajevo, 24.07.2023. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 21.07.2023. do 08:30 sati 24.07.2023. godine

Dana 21.07.2023. godine u toku noći, područje Kantona Sarajevo je zahvatilo nevrijeme u vidu pljuskova praćenih grmljavinom, a na pojedinim lokacijama jakim vjetrom. Vjetar je u ulicama Alipašina, Milana Preloga i Tinohovska oborio po jedno stablo, dok je u ulici Džemala Bijedića oborio stablo i stub ulične rasvjete, a u ulici Željeznička kod broja 16. stub ulične rasvjete. Dežurni u Kantonalnom operativnom centru civilne zaštite odmah je obavijestio Službu za sječu i uklanjanje stabala sa zelenih površina i saobraćajnica u KJKP „Park“, koje su izašle na teren i radile na sanaciji nastale štete. Pripadnici Profesionalne vatrogasne jedinice Kantonalne uprave civilne zaštite Kantona Sarajevo su uklonili oborena stabla u ul. Milana Preloga i Džemala Bijedića, a jedno vatrogasno vozilo sa korpom je upućeno u Hadžiće radi pružanja pomoći na uklanjanju stabla u ul. Tinohovska, gdje su odstranili granje sa navedenog stabla, bez mogućnosti uklanjanja istog jer je potrebna veća korpa. Dežurni u Kantonalnom operativnom centru je koordinirao između gore navedenih ekipa, kao i sa elektrodistribucijom radi isključivanja električne energije u ul. Džemala Bijedića i Tinohovska.

U izvještajnom periodu Kantonalni operativni centar civilne zaštite primio je dvije informacije o pronalasku NUS-a i to:

- dana, 21.07.2023. godine u 10:00 sati od Operativnog centra civilne zaštite Vogošća, da je ul. Lug br. 1. (Semizovac), pronađen jedan NUS (granata),
- dana 23.07.2023. godine u 19:20 sati, od Policijske stanice Rajlovac, da je u naselju Reljevo (Općina Novi Grad) u koritu rijeke Bosne, pronađena jedna ručna bomba.

O primljenim informacijama obaviješteni su pripadnici Tima za UES Federalne uprave civilne zaštite, koji su navedena neeksplozivna ubojna sredstva uklonili.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 14 manjih intervencija i to: dvije na gašenju zapaljenog niskog rastinja, jednu na gašenju zapaljenog smeća u kontejneru, jedan izlazak na lice mjesta po dojavu da gori automobil, jednu na gašenju manjeg požara u stanu, dva obezbjeđenja javnih skupova i sedam tehničkih intervencija (tri na otvaranju vrata lifta, dvije na otvaranje vrata stana i dvije na uklanjanju oborenih stabala).

NAPOMENA: U protekla 24 sata pripadnici Profesionalne vatrogasne jedinice Kantonalne uprave civilne zaštite Kantona Sarajevo imali su četiri manje intervencije i to: dvije na gašenju zapaljenog niskog rastinja, jedan izlazak na lice mjesta po dojavu da gori automobil i jednu tehničku intervenciju na otvaranju vrata lifta.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

JKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnadbijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernom mjestu Bjelave je iznosila 20°C, relativna vlažnost zraka 69% a barometarski pritisak 945 hPa,

BIHAMK: Saobraćaj na području Kantona Sarajevo se odvija uredno, osim na dionicama na kojima se izvode planirani radovi, gdje se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH**, gradski, međugradski i željeznički saobraćaj se odvijaju po ustaljenim redovima vožnje.

PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a